



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismus  
Catholicus, summam Christianæ institutionis III. libris  
succinctim complectens**

**Klinge, Konrad**

**Coloniae, 1570**

**VD16 K 1309**


caput III.

**urn:nbn:de:hbz:466:1-29452**

præmiorum, non sunt opera, sed cognita Dei voluntas & misericordia propter Christum. Nec opera nostra sunt precium salutis & remissionis peccatorum, sed vnica mors Christi, precium & hostia est pro peccatis totius mundi. Hoc tamen precium nulli distribuitur in præsentem ad remissionem peccatorum, nisi pœnitenti & credenti: neq; ad salutem in futuro accipiendam, nisi diuina præcepta seruanti, licet nõ propter illa præcepta. Fides igitur est necessaria ad salutem, propter apprehensam iustificationem: Dilectio, propter retentionem. Et sic vtrunque est necessarium ad salutem.

CAPVT IIII.  
ARGVMENTA.

1. *Quæ peccata simul existant cum fide, gratia, atq; Spiritu sancto.*
2. *Quæ peccata excutiant gratiam Dei & Spiritu sancti.*
3. *Quos homines Spiritu sanctus adiuet: & eis adsistat, vt vincantur vitiosus motus.*

ristus docuit omnes homines, etiam quantumcunque sanctos, orare vt dimittantur debita. Matt. 6. Illoq; significare voluit, etiam in sanctis manere peccata. Fide enim in Spiritu sunt sancti, carnales tamē, fragiles & peccatores, sicut Paulus qui fuit sanctus spiritu & fide: attamen conqueritur, quod non habitat in carne sua bonū, Rom. 7. fuit Petrus sanctus spiritu, quando dixit: Tu es Christus filius Dei viui, hoc credēdo & confitēdo: attamen peccator, dum Christum ex carnis timore negat, Mat. 16. & 26. Sic omnes sancti aliquandò ex fragilitate carnis lapsi sunt: hoc quod etiam legimus de Apostolis, quoties

quoties dubitârunt, timuerunt, dormiêrunt, fugam omnes fecerunt instante passione, Matt. 26. Sic etiam alijs sanctis contigit, nondùm in sanctitate confirmatis. Sed tamen hoc discrimen tenendum est, quòd quædam peccata sunt eiusmodi, vt simul gratia & fides cum eis existere possint. Manet enim in sanctis naturalis infirmitas, id est, cõcupiscentia & multi vitiosi affectus. Sed quia his non obtemperant sancti, sed repugnant & agnoscunt sibi condonari hanc infirmitatem propter Christum, hæc peccata dicuntur venialia, hoc est, talia, quæ sanctis condonantur, & propter quæ non amittunt gratiam & Spiritum sanctum. Est igitur peccatum veniale vitiosus affectus, cui non obtemperant pij, sicut admonet Apostolus Rom. 6. Non regnet peccatum in mortali corpore vestro. Sed repugnant, & credunt sibi eam infirmitatem condonari propter Christum, Rom. 8. Si spiritu facta carnis mortificaueritis, viuetis. Concupiscentia cum suis fructibus, est reipsa mortale peccatum, & ipsa natura hominis repugnat voluntati Dei, sicut Apostolus Rom. 7. cõqueritur: Reperio aliam legem in membris meis, repugnantem &c. Nec est leuis morbus: eius enim magnitudo longè maius malum est, quàm vt à ratione perspici possit, dubitatio de ira & misericordia Dei, securitas, diffidentia, non ardere dilectione Dei, non ardentè inuocare Deum, fremere aduersùs Deum in afflictionibus, &c. Hęc vitia nõ intelligit humana ratio, sed potiùs extenuat. Quare & per se sunt peccata mortalia, & damnant, etiamsi extrà non fierent exteræ actiones flagitiosæ. Sed fides in Christum, quæ pugnat contra talia, & credit sibi ignosci per Christum, facit vt sint venialia, id est, remittuntur. Hoc certamen est vera pœnitentia piorum, in quo crescit nouitas spiritualis, & concipiuntur noui & ardentiores motus spirituales, sicut Apostolus inquit 2. Cor. 4. Exterior noster homo corrumpitur

pitur, sed interior renouatur. & ad Colossen. 3. Induite nouum hominem, qui renouatur &c. ad Corinth. 2. Cor. 3. In eadem imaginem transformamur à gloria in gloriam.

Peccata quæ excutiunt fidem, gratiam, & Spiritum sanctum, sunt quando non repugnatur concupiscentiæ, sed potius obtemperatur vitiosis affectibus cõtra conscientiam, & illa peccata fiunt mortalia, id est, propter quæ illi qui fuerant iusti, amittunt fidem & Spiritum sanctum, & propter quæ fiunt rei mortis æternæ, sicut Paulus ait 1. Corint. 6. Fornicatores, adulteri, homicidæ, &c. non possidebunt regnum DEI. Ephes. 5. Hoc autem scitote, quòd omnis immundus aut auarus, quod est idolorum seruitus, quia is non confidit DEO, sed aliud idolum, id est, pecuniam sibi statuit pro DEO qui enutriat, &c. Maledici &c. Roman. 8. Si secundum carnem uixeritis, moriemini. Galat. 5. Manifesta sunt opera carnis, quæ sunt fornicatio, immunditia, inimicitia, contentiones, sectæ, comestationes, homicidia, ebrietates, & his similia, quæ prædico uobis sicut prædixi, quoniam qui talia agunt, regnum DEI nõ possidebunt. Ista peccata sunt externæ actiones flagitiosæ, quæ è carnis concupiscentia ebulliunt, si illis non resistitur. Et tales omnes amittunt gratiam, fidem & Spiritum sanctum. Fidem, quæ est fiducia misericordiae consequendæ propter CHRISTVM. Sed hæc misericordia nõ sequitur interim, quæ quis perseuerat in peccato: repugnant enim misericordia Dei, & complacentia peccati. Ideò inquit Dauid Psalm. 50. Peccatum meum contra me est semper. Gratiam, id est, fauorem Dei excutiunt. Psalm. 33. Vultus Domini super facientes mala, ut pereat de terra memoria illorum. Postremò Spiritum sanctum, qui datur ut adiuuet nostram infirmitatem, Rom. 6. Sed cum homo non velit pugnare contra vitia, sed consentit, fit

B vt

vt Spiritus sanctus fugetur Eph. 4. Nolite contristare Spiritum sanctum. Hoc vtinam ponderarent carnal-  
 les Euangelici, qui nullum fore putant peccatum, nisi infidelitatis. Est enim infidelitas arbor, cuius fructus sunt hæc vitia: igitur ex fructibus arbor cognoscitur, Matth. 7. Vbi ergo vitia regnant, signum est quod ibi fides non sit: nam talia flagitia non consistunt cum fide: at vbi fides non est, ibi nec gratia Dei, nec Spiritus sanctus sit oportet. Inanis ergo fiducia illa est siue fides, quæ non cessat à vitijs. Talem fidem habuerunt filij Israël in deserto peccantes, & prostrati sunt, Numer. 26. Sic Sodomitæ & Gomorrhitæ videbantur quidem credere in Deum, sed opera illorum ostendebant fidem illorum qualis fuerit, Genes. 19. Sic est fides malorum Christianorum, Omnes dicunt, credo in CHRISTVM: sed vita & opera illorum testantur, qualis fuerit fides illorum Matth. 7. Non omnis qui dicit mihi, Domine, Domine, &c. grauius enim ij habebunt in pœnis, excutientes iterum gratiam, fidem & Spiritum sanctum, quam si nunquam venissent ad regnum CHRISTI, sicut dicit Petrus 2. Petri secundo, & Iudas in epistola sua, & ita Matth. 11. Christus de ciuitatibus quibusdam loquitur. Ideo Apostoli summa cura docuerunt, vt acceptam gratiam non denuò excutiamus, aut in vacuum recipiamus, 2. Corinth. 6. Sed potius pijs operibus retineamus, in vigilijs, ieiunijs, laboribus, tribulationibus, castitate & charitate, &c. Heb. 9. Quanto magis sanguis Christi &c. ad seruiendum DEO viuenti? & 1. Pet. 2. peccatis mortui, iustitiæ viuamus, &c. Semper enim scriptura, postquam docuit quomodo accepimus gratiam iustificationis, admonet & docet, quomodo retineamus ne iterum excutiamus illam atque spiritum sanctum. Nam hoc est grauius peccatum: ideò petit Dauid, spiritum sanctum tuum ne auferas à me.]

1. Cor. 10.

Psal. 50.

Pro-


*lectorem. Respondeo...*

Promissus est spiritus sanctus, & datur in Baptif-  
mo, vt adiuuet nostram infirmitatem, Rom. 6. Qua-  
tenus expugnemus, ac mortificemus concupiscen-  
tias carnis. Gubernat autem & iuuat non ociosos &  
ignauos, sed repugnantes peccato, qui lugent & tri-  
stantur, quòd sint in regno peccati, Matt. 5. Beati qui  
lugent. Securos autem & obstinatos in peccatis, non  
iuuat, sic iuuat Petrum Matth. 26. & non Iudam. Sic  
vnum latronem, qui doluit de commissis peccatis, al-  
tero relicto, Luc. 23. Sic iuuat peccatricem, Luc. 7. re-  
licto Pharisæo. Sic iuuat fideles, relicto infidelibus,  
&c. Si quis igitur peccauerit etiam mortaliter, re-  
deat, Spiritum sanctum imploret, & peccatum expu-  
gnet vt gratiam denuò recipiat, sicut Dauid. 2. Reg.  
vlti. & Petrus Matth. 26. Primò, remissio peccatorum  
precedit in iustificationis actu, deindè iustificatio da-  
tur donum, id est, Spiritus sanctus in custodem reten-  
tionemq; iustificationis per suos fructus & obedi-  
entiam legis, Galat. 5.

## CAPVT V.

## ARGVMENTA.

1. *Vndè veniat homini fides Christi.*
2. *Quæ sit fides Christiana, & in quo funde-  
tur,*
3. *Quomodo cognoscitur & testificatur vera fi-  
des esse in homine.*

ERTum est quòd natura nostra ex seipsa  
non potest rectè credere: ideò oportet  
vt iuuetur aliundè, propterea dicit Apo-  
stolus Rom. 10. quòd fides est ex audi-  
tu, scilicet verbi DEI: nam oportet  
primùm, vt verbum DEI denuncietur, & audiat,  
sicut Ioann. tertio. Sic Deus dilexit mundum, vt  
B 2 filium